

Новемберъ
· 1928 ·

Число 11.
Рочн. VIII



ЗМѢСТЬ:

Десятирочный юбилей
Мѣсячное намѣреніе
на новемберъ
Въ оборонѣ Вѣры.
О Іоасатѣ
Изъ житія святыхъ.
Изъ исторіи церкви.
Бесѣда.
Новости.

КНИГОПЕЧАТНЯ И ВЫДАВНИЦТВО ЧИНА СВ. ВАСИЛЯ В. ВЪ УЖГОРОДЪ

РЕДАКЦІЯ И АДМИНИСТРАЦІЯ ВЪ УЖГОРОДЪ, УЛИЦЯ РАКОВЦЯ Ч. 54.

Выдавництво Чина св. Василія Великого въ Ужгородъ

поручає слѣдуючѣ книжки своєго изданія:

Молитвениникъ для греко-кафолицкого русскаго народа.
Составилъ о. Петро Котовичъ ЧСВВ. стор. 507. Изд. II.

Содеряніе сеѧ книжки: Короткій катехизмъ; Молитвы повседневніи; Молитвы утреніи, Молитвы вечерніи, Молитвы подчасъ Службы Божої, Приготовленіе до св. Сповѣди, Молитвы передъ и по Сповѣди, Молитвы передъ и по св. Причастію, Молитвы до пресв. Сердца Іисусового, Молитвы до Пречистої Дѣви Марії, Молитвы до святыхъ. Чинъ Утрени, Божественная Литургія, Чинъ Вечерни. Акафистъ до І. Христа, Акафистъ до Преч. Дѣвы Марії, Тропари воскресніи и повседневніи, Служба на всякое прошеніе, о усопшихъ, Тропари и Кондаки св. Четыредесятницы, Пятьдесятницы и всѣхъ праздниковъ декретальныхъ. Кроме сего е: Пѣснь на Рождество Христове, Пѣснь въ честь св. Троицы, Пѣснь въ честь Преч. Дѣвы и св. отца Николая, Пѣснь благодарственная, Календарь цѣлого року и Пасхалия.

Въ красномъ полотняномъ переплете 8 Кч., съ почт. засылкою 8·80 Кч.

Да святится Имя Твое. Молитвословъ для молодежи. Стор. 223. Печатаный окремъшно русскими а окремъшно латин. буквами. Содеряніе: Короткій катехизмъ. Молитвы повседневніи, утренніи, вечерніи, подчасъ Службы Божої, передъ и по сповѣди, передъ и по св. Причастію, до Пресв. Сердца Іисуса. до Преч. Дѣвы Маріи и до св. Іосифа; Чинъ Вечерни, Утрени, Божественна Литургія, Тропари и Кондаки воскресніи, на всякое прошеніе и о усопшихъ; Пѣснь на Рождество Христове, въ честь Пресв. Троицы, къ Пресв. Дѣву Маріи и въ честь св. Отца Николая.

Оправленій коштує 4 Кч., зъ почтовою засылкою 4·60 Кч.

Молебень къ Святѣйшому Сердцу Іисуса и къ Пр. Дѣву Маріи. Содержить кромъ двохъ молебновъ, дасколько пѣсней къ Пресв. Сердцу Іисуса и Преч. Дѣву Маріи и Пѣсни благальни (супликацію). Печатана окремо русскими, а окремо латинскими буквами. Стор. 44. Стоитъ 80 гел., зъ почтою 1 Кч.

Найсвятѣйшое Сердце Спасителя. Коротка наука для членовъ общества Святѣйшаго Сердца Г. Іисуса Христа. Сторонъ 64. Содеряніе: Исторія набожности до Пресв. Сердца Іисуса и ласки, которая Іисусъ пріобѣцявъ почитателямъ Пресв. Сердца. Повинности для членовъ сего общества. Дасколько молитовъ къ Пресв. Сердцу Іисуса. Молебень къ Пресв. Сердцу Іисуса. Пѣсня благальна (супликація). Золота корунка къ П. С. Іисуса. Дасколько пѣсней къ П. С. Іисуса. Прочто почитаеме П. Сердце Іисуса? Печатана окремо русскою, а окремо латинською азбукою.

Стоитъ 1·50 Кч., съ почтовою засылкою 1·70 Кч.

Популярнѣй катехитичнѣ проповѣди для католицкого народа. Часть I. Про вѣру. Часть II. Про надію и любовь. Кожда часть творить окрему книжку. Темы проповѣдей дуже актуальнѣ.

Цѣна по 20 Кч за одинъ прим., зъ почтою по 21·80 Кч.

Стойте въ вѣрѣ. Листъ I. Про походженя св. Духа отъ Отца и Сына, стор. 7. Листъ II. Оборона части П. Дѣвы Маріи, стор. 7. Цѣна обожъ брошуръ разомъ 60 гел., зъ почт. засылкою 80 гел.

„Путь Спасенія“ (Св. Миссія въ образахъ). Ся прекрасна книга повинна быти въ каждой хижѣ. Въ ней суть науки о майважнѣйшихъ рѣчахъ для спасенія души. Прикрашена около 40 образами. Стоитъ лемъ 4 Кч., зъ почтою 4·80 Кч.

БЛАГОВѢСТИКЪ

ДУХОВНА ГАЗЕТА ДЛЯ ПОДКАРПАТ. РУСИНОВЪ

Редакція, адміністрація, експед.:
Выдавництво Чина св. Василія В.
въ Ужгородъ, Раковція ул. ч. 54.

Новемберъ
1928

Предплата на цѣлый рокъ 10 Кч.;
за границею 17 Кч.; до Америки
попъ дол. — Одно число 1 Кч.

Число
11.

Выходить 1-го кожного мѣсяца
Отвѣтч. редакторъ: о. Емиліянъ Бокшай

Рочникъ
VIII.

Десятирочный юбилей

заоснованя нашоѣ державы обходило 28-го октября все населеня Ческослов. Республики. Въ семъ выбрала участъ свою и наша христіянска публика, яка есть, была и буде найпевнѣйшою основою Республики и залогомъ еї дальншого розвитку.

Мы христіяне-русины въ нашей демократичной Республици найдеме всѣ можности нашего свободного розвою. Але досягнути нашоѣ цѣли можеме лише постянною працею и бортьбою. Е данна намъ національна свобода, культура народна, отворенѣ передъ нами брамы матеріального розвитку — лише братися треба до роботы и борьбы и все досягнеме. На жаль мы до такоѣ постянної працѣ не привыкли до теперъ, мы привыкли до того, чтобы намъ дали — и зато тѣ першѣ крохи до нашого обезпеченя нашихъ цѣлей не были такѣ рѣшучѣ, якѣ видиме у другихъ народовъ. Але тыхъ десять роковъ научило насъ, что мы всѣ нашоѣ національнѣ цѣли выбореме лише тогды, коли прилѣжно будеме працювати на всѣхъ поляхъ нашего суспольного, культурного и политичного житя. За все то, что досталисъ, за все что маеме еще достати, мусиме працювати и крокъ за крокомъ или навпередъ. Надѣмесь что нашъ народъ е на столько дозрѣлый и житъеспособный, что прилѣжною працею выборе собѣ все то что потребно ему до здѣйстненя своихъ національныхъ и культурныхъ потребъ.

Лишне одно неспокоить нашу христіянску публику. И то, что подувъ на насъ холодный вѣтеръ безрелигійности и ереси. Революція выдигла и такій елементъ, что

е ворожій нашої Церкви и побожности нашего народа. Подъ сими 10-ми роками розмножилися всякъ агитаторы и лжеучителъ, котръ опираючися на невѣжество народа, запровадили до насъ религійну борьбу и ширять поганскій свѣтоглядъ. А се головно державъ шкодить. Тысяча а тысяча разъ досвѣдчилося уже, что найсильнѣйшою основою всякихъ державъ е побожное, честное христіянское населеня. Где вѣрный и богобойный народъ живе, тамъ не треба только жандаровъ, темницъ, каръ, бо христіянска вѣра лѣпше якъ съ чинники годна здержати горожанъ одъ всякихъ переступковъ и грѣховъ. А тамъ где не е въ сердцахъ людей боязни Божоѣ, где не е почутя одповѣданности передъ Богомъ, въ той державѣ якъ буйна рослина будуть розширятися всякѣ злочины, насильства и зневажаня авторитету управляющихъ властей.

Зато наша хритіянска руська публика изъ поводу 10-лѣтноѣ рочницѣ, коли въедно радуеся самостойности Ческослов. Республики зъ всѣми народами сеѣ державы заявляе, что готова до дальшоѣ працѣ до обезпеченя и досягненя своихъ культурныхъ и національныхъ цѣлей. Але разомъ заявляе, что ей на сердци лежить такожъ и добробыть цѣлоѣ Республики, что найлекше и найпевнѣйше можно досягнути, если правительство державы руководитися буде зasadами христіянскої вѣры и укрѣпляти буде религійное почутя горожанъ. Бо е того крѣпкого переконаня, что великою и славною може быти держава лише на основахъ Христовоѣ науки.

Мѣсячное намѣреніе на мѣсяцъ Новемберъ: тѣлесна чистота.

Пресвята Дѣва Марія была украшена всякими чеснотами, но передовсѣмъ чистотою душѣ и тѣла. Чистота еѣ, такъ тѣлесна якъ и душевна яснѣ меже прочими еї чеснотами, якъ сонце меже звѣздами; про еї совершенну чистоту удостоилася она быти матерію Бога; про еї чистоту прославляе еї и св. Мати Церковь: „Честнѣйшую херувимъ и славнѣйшую безъ сравненія Серафимъ, /бо/ безъ истлѣнія родила Бога Слова“ и вѣрники головно про еї чистоту спѣвають пѣснѣ на еї честь: „Пречистая Дѣва Мати молися за насъ“.

1. Чистота має чтось высокого и достойного въ собѣ, что на вѣть людей розпустныхъ наповняе почестію для себе. Коли давно римскѣ императоры и полководцѣ по побѣдахъ въ триумфальномъ

походѣ вернулися дому, каждый чоловѣкъ мусъвъ имъ уступити изъ дороги, только божамъ посвященѣ дѣти были вынятѣ изъ подъ сего строгого закона. Зводки е то что чистота и днесь въ семъ розпустномъ свѣтѣ таку честь и славу має? То головно зато, бо жадна друга чеснота не выставлена такъ много искушеніямъ, якъ правѣ чистота; жадну другу чесноту не такъ тяжко сохраняти, якъ чистоту. И такъ той, кто мимо всякихъ небезпекъ и противъ всѣхъ вороговъ внѣшнихъ и внутреннихъ мужественно воюе и довоюе, той указавъ даяку силу надприродну. Св. Василій пише, что чоловѣкъ чистотою перевысшае и ангеловъ, бо ангелы суть воли отъ узовъ тѣла и не мають ани изъ стороны свѣта, ани изъ стороны своеї природы нападовъ на чесноту чистоты, доки люди мусять иа земли боротися зъ нападами злого духа и одбивати одъ себе покусы тѣла".

Не дивно отже, что сія чеснота велику почесть и велику нагороду найде и у Бога. Христосъ обезпечае чистыхъ видѣніемъ Бога: "Блаженихъ чистій сердцемъ, яко тіи Бога узрять"; изъ меже всѣхъ своихъ апостоловъ найлѣпше любивъ невинного Іоанна, на крестѣ умираючи ему вручае свою милу матеръ, Причисту Дѣву Марію. Якъ бы не полюбила и Божа Мати чистоту такъ передъ Богомъ, якъ и передъ людьми такъ почтенну. Она была, якъ св. Амвросій каже, "дѣвою сердцемъ, дѣвою душою, дѣвою тѣломъ". Она была на приказъ старшины обручена св. Іосифу, але обое жили подъ обѣтомъ совершенної чистоты. Зато дала Марія отвѣтъ ангелови благовѣстуючому ей, что породить сына, Іисуса: „како будеть сіе, идѣже мужа не знаю“, и лишь тогды, коли упевнивъ еї ангель, что сіе материнство буде безъ нарушенія еї обѣта чистоты, ажъ тогды прияла материнство Божое словами: „се раба Господня буди мнѣ по глаголу твоему“.

Разъ одна мати стояла при смертельной постели своего 17 рочного сына. Изъ першу мати думала, что еї сынъ умре и горько пла-кала; потомъ догадалася, что колько много людей є на свѣтѣ, котрѣ легко могли бы звести и еї сына на грѣшну дорогу, и успокоилася. Спокойно казала священикови: „Мой сынъ еще невинный, и якъ онъ умре, найде въ царство небесное“. Будьме и мы на томъ, чтобы наша мати все могла ото казати о нась. Сохраняйме нашу тѣлесну чистоту, бо она есть дорогою не только передъ туземною но и передъ нашою небесною матерію.

2. Туї пропоручаю даськолько успѣшныхъ средствъ для сохранинія чистоты. Най стоить передъ нами постоянно тата думка, что Богъ все знає, и всюди притомный есть. Мысль, что Богъ всѣ нашѣ помышленія, всѣ нашї дѣла видить и знає, умертвить, задусить, одбере дику и охоту до адѣланя нечистого грѣха. Сія думка здер-жала и праведного Іосифа одъ тѣлесного грѣха: „како сотворю гла-голъ злый сей и согрѣшну передъ Богомъ“. И мы уживайме сіе ору-жіе успѣшное. Якъ нападе на нась искушеніе, заразъ представме со-бѣ Бога: Богъ видить что я хочу робити, Богъ свѣдкомъ буде моего стыдливого дѣла, якъ бы я смѣть такое робити передъ лицемъ Бога Всевышнього.

Другое успѣшное средство для захованя чистоты есть: молитва, злучена зъ прилѣжною роботою. Якъ св. Іеронимъ каже и Пр. Дѣва головно сими двома средствами охоронила свою чистоту. Рано до год. девятоѣ молилася, до год. першоѣ працюала, середъ праць душа еѣ злучена была зъ Богомъ, потомъ читала св. Писаніе, а въ ночи часто встала и спѣшила до святынѣ Божої на молитву". Если и не въ такой мѣрѣ, уживайме и мы сіе сильное оружіе противъ тѣлесныхъ искушеній. Якъ нападе на насъ зла думка одмовляйме коротку молитву: „Господи не веди мене въ искушеніе, Пр. Дѣво не дай менѣ впасти въ грѣхъ, Господи Іисусе Христе укрѣпи мя...“ Сесь молитвы звертають нашу увагу на Бога и одберають силу несподѣванного напада нечистого ворога... Саму таку сохраняючу ролю играе, прилѣжна робота. Якъ вода пливуча всегда зостане чистою, вода стояча скоро стане зеленою, смердячою и розмножаться въ ней всякъ огидливъ черви, такъ въ животъ такого чоловѣка, кто занятый прилѣжною працю не постоить гидка покуса и нечистое жтоланіе. Лѣнивство есть початкомъ нечистого грѣха, якъ и латинске пословиця каже: „лѣнивство есть заголовокъ діявола.“ Безроботнѣ години, дни, роки наповненѣ суть грѣхами нечистоты, а прилѣжныи животъ есть непорочный одъ огидливого грѣха нечистоты.

Сего мѣсяця звертайме мы болшу увагу на тѣлесну чистоту. Старшъ люде най уважають лѣпше на свої бесѣды и хороняться одъ всякихъ нечистыхъ словъ и бесѣдъ; головно передъ дѣтьми. Родичъ най мѣркують на свої дѣти, что они меже собою говорять и най караютъ строго, коли учують одъ нихъ якесь нечистое слово або утямлять, что уже и до нечистыхъ дѣлъ допускалися. А весь христіянскій загалъ, най ся помолить сего мѣсяця... чтобы встыдливость и тѣлесна чистота стали окрасою христіянскихъ народовъ.

Товариство св. Креста.

Намѣреніе на мѣсяць новемберъ: Говори правду!

Въ французской революції одень священикъ стоявъ передъ судомъ. Судія змиловався надъ старцемъ и хотѣвъ его спасати отъ смерти и каже: „Если вы 60 лѣтъ маєте, можете безкарно вернутися дому, на се маєме законное разпоряженіе“. „Я маю — каже священикъ — 59 лѣтъ и 9 мѣсяцовъ“. „Здається менѣ — каже судія — что вы старшъ, вы певно маєте уже 60 лѣтъ; можете смѣло казати“. „Не возможно, — говорить священикъ — то бы была брехня, а я брехнею не хочу спасти свое житя.“ И умеръ священикъ, якъ мученикъ за правду и за правдомовность.

На жаль середъ молодежи за надто частый грѣхъ брехня, за надто велика практика брехнею затаити правду.

1. Что брехня есть чтось противъ природы, что есть рѣчею огидливою и грѣшною, то укажеся уже черезъ то, что невиннѣ дѣти, якъ ихъ зловлять на брехни почервенѣютъ. Богъ симъ хотѣвъ утруднити людямъ брехню; но чоловѣкъ черезъ часту брехню одвыкается одъ почервленя и научиться смѣло, дерзко брехати. Смутна се привычка знати брехати безъ того, чтобы почервенѣти.

2. Брехня есть не только противъ природы, но и противъ волъ Божоѣ. Она походить отъ наибольшого неприятеля Бога, одѣ діявола. Бо кто першій на свѣтѣ брехавъ? Діяволъ, кто въ раѣ брехнею зводивъ нашихъ прародителей и трутывъ насъ въ гнѣвъ Божій. Не дармо называе и Христосъ діявола „отцомъ брехни“ и „брехуномъ отъ початку“.

Еще въ животѣ св. Петра прийшли до него мужъ и жона; они продали свое поле и грошъ принесли до апостоловъ, чтобы роздѣлили меже бѣдными. Меже собою поговорили навпередъ: Лишь половину передаме, другу половину собѣ задержиме а ему повѣме, что лишь только досталисьme за поле. Такъ и робили. Но св. Петро просвѣщеныи Духомъ святымъ просто въ очи повѣвъ имъ: „Вы брешете и кара Божа невдовго досягне васъ“. Оба поблѣдли, упали на землю и умерли.

Ци такъ что добрый христіянинъ, кто мае живу вѣру, якъ то знає, что Богъ всягды е, что Богъ все знае, что Богъ гляне, позирае въ его уста сторазъ подумае ци отворити свої губы на брехню, что такое огидливое передъ нимъ.

3. Многихъ приведе до брехнѣ страхъ одѣ кары; се есть найчастѣйше: черезъ брехню выкрутитися изъ подъ кары. Се даколи удастся, уникавъ кары но душа зостала пораненою, характеръ терпить пониженіе. До такого средства не хапае совѣтный, характерный чоловѣкъ. Характерный мужъ каже: „Я се зробивъ“, если не добрѣ, зношу заслуженну кару, айбо брехати не буду.“ Безхарактерный каже: волѧю затаити, якъ кару зносити. Суть и сякъ, суть и такъ. Ваша молода, идеальна душа уже одѣ природы лѣпше тягне васъ до отвертого признаня вины, якъ до огидливой брехнѣ.

Правда, кара не есть дуже пріятное дѣло, але еще все лѣпше, якъ брехня. Такъ есть зъ нею, якъ зъ бурею. Буря такожъ наповняе чоловѣка страхомъ, чорна хмара, блески, громы, але скорше ци позднѣйше мусить перейти. И якъ перешла, якій чистый е воздухъ, якъ душистѣ рослины, яка свѣжа, жива природа! И надъ нами лютитися заслужена кара одѣ нашихъ родичовъ, наостей, но якъ мы кару зносили, зостане въ нашомъ сердцѣ солодкое чувство и внутренній спокой: „Я не затаивъ правду, я не брехавъ.“ И колько разъ случилося то, что на широе признаня вины была кара цѣлкомъ однущена.

У стаїнныхъ грековъ Klenokrates такій правдолюбивый бывъ, что горожане николи не пожадали одѣ него присягу. Брехню ненавидти есть и нашою новинностю, она есть противъ природы, противъ характеру и противъ Божого приказу. Кто крѣпко постановляе что буде уважати на свої слова, и сю постанову черезъ довгій часъ все, кождый день обновляс, той увидить, что можъ цѣлкомъ побѣдити злу наклонность до брехнѣ и буде чути, что правду говорити и за правду терпѣти есть милое и солодкое дѣло. Се есть и наша цѣль, котрѣ хочеме быти характерными людьми и не подлѣ брехуны. И головно се есть програмою христіянского юноши, кто ходить по

стопамъ Христовыхъ зasadъ, кто казавъ: „Ізъ есмъ путь истины и животъ,,.

ВЪ ОБОРОНЪ ВЪРЫ

1. Церковна держава. Церковна, або папска держава повстала изъ части дарованій побожныхъ вѣрниковъ. (Матилда Тосканска графиня и пр.), изъ части же изъ донацій корольовъ Пипина и Вел. Карла. Король Франковъ, Пипинъ года 755 побѣдивъ лонгобардовъ, котрѣ напали на Италію и одну часть завойованоѣ области передавъ римскому отцу II. Стефану. Се потому потвердивъ и уболяшавъ Великій Карель года 774.

Ся церковна держава стояла больше, якъ 1.000 роковъ и много разовъ була нападена напріятелями. Положеніе євъ стало дуже критичнимъ, коли въ XIX омъ столѣтю выдигнута була думка соединенія всѣхъ італійскихъ земель подъ одною управою. Года 1848 въ Римѣ (такъ, якъ и въ іншихъ державахъ) выбухла револуція і папа Пій IX. примушений бывъ утечи въ Францію. Изъ Франції вернувся папа зъ помочію французского войска і въ Римѣ зробивъ порядокъ. Одъ сего часу въ Римѣ постоянно перебывавъ оддѣль французского войска для обороны церковної державы.

Коли года 1870 выбухла война нѣмецка—французска, тѣ французскѣ военскѣ оддѣлѣ мали вертатися назадъ на оборону отчини. Сю нагоду выкорыстали революціонеры і король Піемонту, Викторъ Емануиль II, збрали войско (60.000 людей) і напали на Римъ, что обороняло папское войско (10.000). Коли папа IX Пій выдѣвъ, что не має ніякоѣ надѣї на успѣшну оборону города, видавъ розказъ застановити дефензиву і пустити непріятельскѣ войска въ городъ. Революціонеры заняли городъ, а папа Пій зоставъ въ своїй палатѣ въ Ватиканѣ, але мимо всякихъ угрозъ начальника войска не зрѣкався своихъ правъ, что до церковної державы. Одъ того часу римскѣ отцы не оставили свою палату, чтобы документовати передъ свѣтомъ, что ограбленя папскої державы держать нарушеніемъ ихъ права властности.

Італійське правительство потомъ ухвалило законъ т. зв. гарантійний, въ смыслѣ котрого папа римський має сувереннѣ права на области Ватикана, а для его одержаня обовязується платити рочнихъ 3.250.000 лиръ. Але папы римскѣ сего не приняли і жіють изъ тыхъ милостынь, что дадуть имъ вѣрники на цѣломъ свѣтѣ (Петровѣ геллеры).

Ци е потребна церковна держава? Такъ, бо римскій отець, якъ голова христ. каѳ. Церкви не може быти подчинный ніякому туземному володареви! Онъ має быти независимый, чтобы могъ свободно управляти стадомъ Христовымъ; се пожадає его высокое достоинство! Сю независимость найлѣпше гарантируе то, если папа рим-

ский мае окрему церковну державу. Было бы то понижениемъ для всѣхъ христіянъ, коли бы ихъ головный управитель бывъ подчиненный одному народови або державѣ.

Непріятель Церкви думали, что зрушеніемъ свѣтскої власти римского отця перестане и его духовна власть и IX Пій буде послѣднимъ папою. Але сей ихъ планъ не здѣйстнivся. Доказалось, что церковна держава хотя е дуже хосенна, однакъ Церковъ може и безъ неѣ постояти, бо еѣ поддержують не туземнѣ силы, але Божое провѣдѣніе. Одъ 1870-го р. сидѣли на папскомъ престолѣ такъ одиницѣ, якъ черезъ свою мудростъ и святость приdbали великий авторитетъ передъ цѣлымъ свѣтомъ апостольскому престолу.

Тестаментъ загорѣлого протестанта. Въ Лондонѣ померъ оденъ загорѣлый протестантъ, якій меже іншими записавъ великий маetokъ своеї сестринници подъ условіемъ, что она змѣнить свое имя, покине каѳ. Церковь и стане членомъ англиканскої церкви. Дѣвчина мае 20 лѣтъ. Она мала обняти въ посѣданье сей маetokъ, коли дойде до повнолѣтности, то е за рокъ. Але она и не думала покидати свою каѳ. вѣру хотыбы не знати за якій маetokъ. Але про сю справу дозналося Товариство Каѳолического Союза Великої Британії, яке взяло собѣ за цѣль обороны интересовъ каѳоликовъ. Справа скончилася передъ судомъ и судъ рѣшивъ, что такъ условія е не важнѣ и дѣвчина мае одержати маetokъ безъ выполнения сихъ условій. Такѣ то характеры мають іншѣ народы. Задля маestку не выреклася дѣвчина своеї каѳолическої вѣры, але Богъ своимъ провѣдѣніемъ подбavъ, что судъ признавъ ей се великое до-часне добро.

Тайна Служба Божа въ Мексику. Кореспондентъ часопису Мѣлавоки Джорналь подае опись тайної Службы Божої, на якой и онъ бывъ присутный. Онъ такъ оповѣдаe: „Коротко передъ 8-ю годиною останноѣ недѣлѣ я наймивъ автомобиль и пошовъ до дому одного богатого Мексиканця, де мала одбытися Служба Божа. Я застукавъ до дверей и мене впустили и повели до обширної комнаты. Франки были поспусканѣ. Незадовго прибыли и іншѣ гости по одному и всѣхъ присутныхъ было около пятнадцять особъ. Въ комнатѣ по одной сторонѣ стоявъ священикъ. Зъ укритого мѣсця господарь дому вынесъ всѣ прилады конечнѣ до одправы Сл. Божої. Самъ господарь дому обслуговавъ до сеї заказаної Службы Божої. Въ Службѣ Божої взяла участъ такожъ и служба домова. Подчасъ сеї повгодины пановало напруженье и поденервованье. Кажды рухъ на улицi звергавъ увагу господаря, что одъ часу до часу позиравъ черезъ окно. “И тысячъ такихъ Службъ Божихъ правиться въ Мексику. Полиція може кождоѣ хвилѣ увыйти до хаты и всѣхъ арештовати. Тогда всѣхъ присутнихъ на Службѣ Божої ведуть до криминару и караютъ тяжко. Часомъ кары сягають до висоты 500 мексиканскихъ позовъ.



O Іосафате.

*О Іосафате, Архиерею,
Ты цѣлымъ сердцемъ Бога любивъ,
Въ молитвахъ постахъ и покутахъ
Богу и Церкви вѣрно служивъ.*

*Служивъ Ты Богу и своихъ вѣрныхъ,
Дѣломъ и словомъ Ты научавъ,
Якъ добрый пастырь своимъ примѣромъ
Всѣхъ неустанно Ты просвѣщавъ.*

*Архиерею нашъ, Іосафате,
Мовъ ясна зоря, Ты засіявъ,
Коли за єдность Святої Церкви
Въ тяжкихъ терпнняхъ житъе oddавъ.*

*Житъе oddавъ Ты, святе, невинне,
И до небесныхъ дворовъ взлетѣвъ,
Де вѣнецъ свѣтлый вѣчної славы
Господь Спаситель Тебѣ вложивъ.*

*Тымъ вѣнцемъ славы Ты увѣнчаний
Архиерею Ты нашъ святый,
Мы Тебѣ просимъ, молись за нами,
Молись за народъ за нашъ руській*

*Молись за него, чтобы онъ въ злуць,
Въ любви и зюодѣ завѣтды живъ,
Чтобъ въ католицькой вѣрѣ и Церкви,
Тутъ и въ небѣ Бога славивъ*



БЕСЪДА

Першое и послѣдное св. Причастіе.

Христова Церковъ называється святою, бо основана Христомъ и члновъ своихъ выховує на святость. Одъ коли Церковь стоить, все находяться въ еї лонѣ святѣ мученики, исповѣдники, котрѣ готовѣ и кровь свою пролляти за nauку Христа.

Въ Мексиковѣ случилося минувшого рока. Оденъ хлопчикъ намѣрявъ приступити до первого св. Причастія. Попередного дня красно высповѣдався и приготовивши до св. Причастія пильно ладився рано пойти до церкви принимати св. Дары. Якъ приходить до церкви, зъ дивованьемъ видить, что въ дверяхъ церкви вояки стоять. Что сему причина? Может одъ злодѣйовъ сокотять такъ пильно церковь? Або лише злыхъ людей не допуштаютъ до неї? И смѣло иде до церкви въ томъ пересвѣдченю, что ему нико го не може заборонити вступъ до церкви.

Але вояки непускають. Хлопчикъ опираючися на свою невинність смѣло приступивъ до войскового команданта и милымъ голосомъ просить его.

—Прошу мене пустити до церкви, я не робивъ ничего злого, я лише молитися хочу тамъ и принимати найсв. Евхаристію.

Якъ се командуючій учувъ, запалився гнѣвомъ, и своимъ батогомъ ударивъ въ лицѣ дѣтины.

Хлопчикъ еще лѣпше здивовався. Та и се грѣхъ, приступити до св. Причастія? Его невинна душа не могла похопити, что находяться и такѣ люде, котрѣ ненавидять Христа и радуються такимъ разпоряженіемъ, котрѣ одберуть свободу одъ Христової Церкви и вѣрниковъ переслѣдуютъ.

Почавъ благати команданта.

—Дуже красно прошу, пустѣть мене въ церковь, я бы хотѣвъ причащатися.

Ізъ устъ команданта почали сыпatisя лайки. Ударивъ еще разъ дѣтвака, а потомъ рушився за нимъ на кони. Хлопчикъ утѣкавъ, але зашпотився и упавъ. Конь ступивъ на его голову и тяжко поранивъ его.

Понесли въ больницю, завязали глубоку рану, але лѣкарѣ разъ сказали, что не е надѣѣ на выздоровленя.

Уже не має лише одно желаніе. Причащатися и потомъ умерти. Родичѣ дали приклиаги священика, кто его заосмотривъ найсвятѣйшими Тайнами. Малый мученикъ того дня першій разъ, але и послѣдний разъ причащався, бо душа его заразъ по св. причастію полетѣла до доброго Христа, кто за своего туземного житя такъ мило кликавъ дѣтей до себе: „Оставите дѣти приходити къ мнѣ, таковыхъ бо есть царство небесное“.

АПОСТОЛЪ на селѣ.

Еще лише клерикомъ бывъ, коли доля моя знесла мене зъ однимъ баптистомъ. Въ нашомъ селѣ не были баптисты и мене дуже цѣкавило, яка ихъ наука и что они вѣрять. Разълишь донесли менѣ, что въ селѣ перебыває „апостолъ“ баптистовъ. Якбы зъ нимъ познакомитися и говорити? Если увидить мене, якъ клерика, не буде хотѣти зъ мною говорити. Отже, что робити?

Переодягся въ свѣтску одежду и зайдовъ до сусѣда, где случайно перебывавъ славный апостолъ баптистовъ. Сусѣдови навпередъ сказавъ емъ, чтобы не зрадивъ мене и вступивъ до комнаты. Апостолъ принялъ мене дуже ласкаво; думавъ, что „наверне“ и мене легкимъ чиномъ.

Зъ першу наша бесѣда крутилася около звычайныхъ рѣчей, але скоро перейшли, сме на религію. Сему онъ дуже зрадовався и широко разговорився про „высоку“ науку единоспасительноѣ вѣры баптистовъ. Казавъ, что они суть одинокими правдивыми вѣрниками Христа, бо лише они вѣрують то, что учивъ Христосъ.

— Зводки се знаете? Звѣду.

— Иэъ св. Письма. Тамъ е написана наша вѣра.

— Все тамъ е, что вы менѣ сказали? Въ св. Письмѣ е и то, что не вольно лише дорослыхъ крестити? Та Христосъ выразно сказавъ „Шедше убо научите вся языки, крестящѣ ихъ“... Христосъ видно не робить рожницѣ меже дорослыми и дѣтьми. Если бы крещеніе лише дорослѣ люде могли приняти, сколько много дѣтей было бы выключено изъ царства небесного, котрѣ не досягли того вѣку, что предпише ваша религія. Се была бы велика несправедливость изъ стороны Христа, коли Христосъ умеръ не лише за дорослыхъ, але и за дѣтей. Вы представляете Христа такимъ немилосерднымъ, что одкидае одь себе невинныхъ дѣтей, не дозволяючи имъ найпотребнѣйшоѣ тайны крещенія? По вашой вѣрѣ милюны и милюны невинныхъ дѣтей не могутъ зайти въ царство небесное, бо хибить имъ найпотребнѣйша тайна и то св. крещеніе.

А Христосъ, якъ любивъ дѣтей! „Оставите дѣти приходить къ мѣ, таковы га есть царство небесное“. И якъ може ихъ быти царство небесное безъ св. крещенія, коли св. крещеніе змые первородный грѣхъ, что за грѣхъ Адама и Евы на кождого чоловѣка перейшовъ.

Само такъ хибное и неправильное есть ученіе баптистовъ про способъ крещенія. Баптисты твердятъ, что лише понуреніемъ можно крестити. А что робити тамъ, где не е доста воды и настане нагла потреба окрестити умирающаго? Якъ на пр. въ пустыни Сагары, где люде лише только воды мають, что принесутъ зъ собою пити на дорогу. Доки они дойшли бы до наблизшоѣ рѣки, умираючій давно бывъ бы умеръ! Мы не перечиме, что понуреня не е важнымъ способомъ крещенія, лише то кажеме, что и обливаніе есть добрымъ и важнымъ способомъ выслуженя св. крещенія. Видъ въ найстаршомъ письмѣ христ. литературѣ, въ книзѣ: „Ученіе дванадесять апостоловъ“, что написали еще за житя апостоловъ читаеме, что если не е дос-

та воды для крещенія „вылий на голову трикратно воду въ имя Отца и Сына и св. Духа“. Отже уже за часовъ апостоловъ бывъ и такій звичай, что людей крестили не лише понуреніемъ, але и обливаніемъ. Чудуюся на баптистовъ, котрѣ лѣпше знаютъ, якъ можно крестити, якъ самъ апостолы!

А что до куреня, то уже дѣйстно смѣшиос твердити, якбы се заказало св. Писаніе. Та коли Христосъ живъ и св. Письмо написали, еще тогды табаку не было! Табакъ принесли изъ Америки, а Америку открыли лише г. 1492, отже года 1492 позднѣйше, якъ Христосъ живъ! Але и здоровый разумъ протестуе противъ того, что уживанія догану е грѣшное дѣло. Ану лишь кажѣть котрому Божому закону противляється! Грѣхомъ може ся стати лише, коли его надмѣрно уживаеме, такъ, что шкодить нашему здоровлю. Само такъ есме и зъ уживаньемъ вина и иныхъ напойовъ, доки мы ихъ уживаеме зъ мѣрою, не суть грѣхами. Видъ и Христосъ присутный бывъ на свадѣбѣ въ Канѣ Галилейской, навѣть онъ самъ постарається и то чудеснымъ способомъ — чтобы гостина не зостала безъ вина. Онъ давъ красный примѣръ, якъ треба уживати туземныхъ добръ, чтобы то не противлялося Божимъ законамъ.

Отже видите, якѣ вы дурницѣ вычитаете изъ св. Письма. Такѣ дѣла, про котрыхъ тамъ и слова не с. Скажѣть лишь менѣ, кто у насъ має право толковати св. Письмо?

— У насъ кождый собѣ толкуе.

— Кождый собѣ? Но видите, въ семъ е якъ разъ найбольша хиба. И Лутерь собѣ толковавъ и Кальвинъ, и Цвинглій, и суботники, и баптисты и салвисты и адвентисты и еще безчисленое множество еретиковъ и кождый іншое вычитавъ и вытолковавъ изъ св. Письма. Якъ то може быти?

У насъ каѳоликовъ право толкованія належить одинственено до наставниковъ Церкви, котрѣ суть наслѣдниками апостоловъ. Имъ казавъ Христосъ, чтобы „научали вся языки“ и потвердивъ ихъ науку тымъ, что сказавъ: кто васъ слухае, мене слухае. У насъ не можъ кому небудь толковати св. Писаніе, бо тогды Христова Церковь скоро бы розпалася и былобы на свѣтѣ только вѣроисповѣданій, сколько людей е.

И коли вы твердите, что кождый може такъ толковати св. Писаніе якъ хоче, та тогды чому не даете у руки кождому св. Писаніе, чтобы изъ него вычитавъ собѣ вѣру? Я такъ думаю, что ни одинъ бы не вычитавъ баптистску вѣру! И начто вамъ апостоловати, коли ваша вѣра находится въ св. Писанію? Не треба вамъ лишь продавати св. Писаніе и людей оставити, чтобы они собѣ уформовали вѣру.

— Але кажѣть лишь, ци знаете вы хлѣбъ печи?

— Я и подивитъся на мене зъ дивованьемъ якъ бы я знатъ, то е робота жѣноча и пекарська.

— Но видите, теперъ рѣзть правду сказалисте. Не знаете, бо не училистеся. Але тогды лишїтъся и одъ проповѣданія вѣры бо и того не училистеся. Якъ вы можете проповѣдати нову вѣру, коли вы не знаете ни исторію христіянства, ни науку христ. каѳ. Церкви.

Не знаете сколько мучениковъ проляло свою кровь за науку Христа, сколько много трудности мали проповѣдатель вѣры, доки навертали поганскѣ народы, сколько много боролася Христова Церковь зъ разными еретиками и. т. д., котра исторія есть доказомъ божественного происхожденія каѳолическої Церкви. Безъ знаня исторіѣ Церкви проповѣдати вѣру така смѣлость, якъ на пр. вамъ добиратися хлѣбъ печи, до якого никусь не розумієте.

Апостоль подчасъ сеѣ розмовы все лѣпше и лѣпше роздумовався; уже не могъ ничего сказать на доказы мої и на конци лишь только сказавъ.

— Вы такъ говорите, якбы' сте попомъ были.

— Еще не емъ священикомъ, але буду; я клерикъ.

Якбы студеною водою оболяли го, такъ ударили его мої слова. Теперь уже знатъ, чому не могъ мене навернути и чому знатъ я одкинути всѣ его „доказы“. Ганьбився, что такъ грубо нападавъ на каѳ. Церковь и симъ образивъ мене, клерика.

— Перепрошаю, если я васъ въ дачомъ образивъ, что такъ пониживъ вашу Церковь и вѣру. Если бы я знатъ, что вы клерикъ... Але вы теперь у цивильной одежи...

Я усмѣхнувся.

Нарокомъ перебрався, бо хотѣвъ, чтобы вы отверто говорили. Хотѣвъ знати, что вы „учите“ и якъ вы судите про христ. каѳ. Церковь. Виджу, что вашѣ клеветы противъ нашої вѣры походять изъ незнання правды, васъ обманули и теперь воюете противъ правды. Лишь на одно прошу васъ, не „апостолуйте“ тутъ. На то туй не е ніякої потребы. Сей народъ е побожный и вѣрнѣ гр. каѳолики; я знаю ихъ, бо я такожъ сынъ простого селянина.

Попрощали, сме ся и я рушився до дому. Онъ такожъ забираўся и пошовъ. Пошовъ у другое село, розсіяти куколь ереси и обманювати легковѣруючій народъ...

о. Николай Мондій.

ИЗЪ ЖИТЯ СВЯТЫХ

Заступникъ на мѣсяць новемберъ:

Св. Іоаннъ Милостивый, патріярхъ Александрійскій.

Св. Іоаннъ, котрого задля великої его любви до бѣдныхъ названно „милостивый“, родився въ половинѣ шестого столѣтія на островѣ Кипръ, де его отецъ Епифаній бывъ управителемъ тыхъ сторонъ. Будучи еще молодымъ, оженився зъ дѣвицею славного рода и мавъ дасколько дѣтей. Однакъ коли неумолима смерть забрала ему цѣлое родинное щастя, онъ цѣлый свой маєтокъ роздавъ убогимъ, а самъ начавъ вести покаянное житя. До сего порушило его чудесное, видѣніе что мавъ въ снѣ. Видѣвъ онъ жѣночу стать яснѣючу, якъ сонце,

зъ вънцемъ изъ оливноѣ галузки на головъ. А коли онъ звѣдавъ, кто оно, то почувъ таку одповѣдь: „Я ссмъ милосердіе, первородна доњка найвысшого Царя. Если будешъ мене любиги, та я заведу тебе передъ лицемъ Царя, а пошѣрь, что никто не може у Него только якъ я. Я здѣлала тое, что Онъ стався чоловѣкомъ, чтобы спасти родъ людскій“. Одъ тоѣ хвилѣ милосердіе стало головною чеснотою св. Іоанна.

Зъ часомъ пойшла онемъ добра чутка далеко и широко, а коли 608 р. опорожненый зоставъ престолъ въ Александріи, то св. Іоаннъ, хотяй якъ дуже одпрошовався, подъ напоромъ волѣ цѣлого духовенства, народа и цѣсара Фокося засѣвъ на томъ престолѣ.

Якъ лише приїхавъ до Александрії, приказавъ заразъ списати бѣдныхъ, которыхъ было около 7.500 особъ и не боячися такъ великого числа, св. Іоаннъ ставъ ихъ запомагати. Для облегченя бѣднымъ приступу до себе, вызначивъ св. Іоаннъ кожду середу и пятницю, яко дни въ которыхъ мали приходити до своего архипастыря всѣ, котрѣ потребовали яко небудь помочи.

Зъ наибóльшими грѣшниками поступавъ св. Іоаннъ зъ великою оглядностю. И такъ: коли не могъ одного блудящого священика привести до поправы ни представленіями, ни карами, поїхавъ самъ до него и упавши ему до ногъ, просивъ его такъ довго, поки священикъ не пообѣцявъ поправится. Одного разу легкомыслenna молодежь забавлялася въ гостиницѣ подчасъ богослуженія. Св. Іоаннъ выйшовъ изъ церкви и зайшовши меже молодежь, сѣвъ собѣ въ кутику и приглядався ихъ забавѣ. Всѣ удивилися, что то сталося? А святый патріярхъ сказавъ: „Моѣ дѣти, чого же вы такъ удивлятесь? Вы знаете, что тамъ, где овцѣ, тамъ мусить быти и ихъ пастырь! Длятого або ходѣть до церкви зъ мною, або я тугъ зъ вами лишуся“! Пустотлива молодежь почувствоала встыдъ и знаючи, что такому высокому достойнику не годиться перебывати въ гостиници, пойшли зъ своимъ милостивымъ патріярхомъ до церкви и уже больше не забавлялася подчасъ богослуженія.

Одного разу два вельможъ посварилися, гнѣвъ ихъ змѣнився въ ненависть, а одинъ изъ нихъ не хотѣвъ навѣть чути о примиреню. Тогда св. Іоаннъ запросивъ его одного дня рано до себе и въ его присутности въ каплицѣ ставъ служити службу Божу. А коли прийшло „Отче нашъ“, то при словахъ „и остави намъ долги нашѣ, яко и мы оставляемъ должникомъ“ звернувся св. Іоаннъ до вельможъ и сказавъ ему, чтобы добре розваживъ, что говорить тутъ въ присутности Христа Спасителя, утаеннаго на престолѣ, бо если мы непростиме ближнимъ, то и намъ не простить Г. Богъ. И лагодиѣ слова зворушили закаменѣлость сердця. Вельможа зъ слезами въ очахъ пошовъ и погодився зъ противникомъ.

Св. Іоаннъ научавъ дуже пильно вѣрниковъ. Коли завѣвся звычай въ Антіохіи, что въ часѣ службы Божоѣ многъ для охолоды выходили передъ церковь, то и св. Іоаннъ одного дня выйшовъ передъ церковь и сѣвъ, бо якъ сказавъ, пастыря мѣсто есть тамъ, де суть

его овѣ. И такъ лагоднымъ словомъ и примѣромъ навергавъ онъ грѣшниковъ а доводивъ до совершенства праведныхъ.

Доброта св. Іоанна не мала мѣры. Онъ не звѣдавъ, кто, якого роду, ци христіянинъ, ци варваръ просить, онъ помогавъ кождому, а погайкомъ подпомагавъ тыхъ, котрѣ терплячи нужду встыдалися просити о помочь.

Коли перзы заняли Сирію и Іерусалимъ, то тысячъ народа утѣкали до Антиохіѣ а св. Іоаннъ кормивъ ихъ, дававъ имъ грошъ, казавъ дбати о то, чтобы сироты, вдовицѣ и жоны передше доставали подпомогу, бо имъ труднѣйше было радити о собѣ. Звертали увагу, что меже просячими суть деякѣ гарно одѣтѣ, но св. Іоаннъ пригадавъ имъ, что не треба глядѣти лице просячого. Бо справдѣ велика неразъ потреба таится подъ порядною одежою. Не оденъ изъ голоду умеръ, бо стыдався просити помочи. А дуже часто грошъ, что даєся крикливому жебракови, иде на горше. Но не намъ судити; мы даеме Христу и онъ намъ одплатить. Коли въ Александрії настала наслѣдкомъ натовпа иностранныхъ людей пошестъ, то св. Іоаннъ перебывавъ цѣлый часъ меже умираючими, потѣшавъ ихъ, сповѣдавъ и замыкавъ ихъ очи на вѣчный сонъ.

Одправившися одного разу до Царьгороду, св. Іоаннъ заболѣвъ несподѣвано въ дорозѣ, а предчуваючи свою близьку смерть, приказавъ завести себе до родинного мѣста Аматонта, где упокоився въ Бозѣ 617 р. Епископъ Леонтій, котрый описавъ житя св. Іоанна, додае, что слѣдуе: „Св. Іоаннъ поступавъ, яко вѣрный слуга и управитель, онъ все роздававъ бѣднимъ, онъ воздвигавъ монастырѣ и больницѣ а зато Господь Богъ возвеличивъ его за житя и по смерти надѣливъ моющи его силою, котра уздоровляла слабыхъ и творила многѣ чудеса“.

Моющи св. Іоанна Милостивого перенесенѣ до Царьгорода, а потомъ на Угорщину до мѣста Буды, а нынѣ находяться они въ Братиславѣ.

|| ИЗЪ ИСТОРИИ ЦЕРКВИ ||

8. Унія подъ Москвою. Здоровий розвой Унії спинило и майже цѣлкомъ знищили роздробленя Польщѣ. Въ наслѣдокъ сего велика часть гр. каѳоликовъ подупала панованю Россіѣ, где потомъ россійскѣ царѣ цѣлкомъ знищили Унію.

Года 1768-го бывъ великій бунтъ гайдамаковъ на Українѣ. Гайдамаки въ сей револудіѣ убили до 200,000 людей (въ самомъ городѣ Умани около 20,000 жительовъ) и всягды палили и знищили гр. каѳ. монастырѣ, церкви, и населенія. Исторія сей злочинъ называе „рѣзня уманьска“. Случилося се зъ вѣдомою и волею царицѣ Катерины II. Коли погомъ Катерина збила револудію, дозволила священникамъ, котрыхъ гайдамаки прогнали, вернутися назадъ; они прийшли, але всягды на своихъ мѣстахъ найшли уже схизматицкихъ батюшковъ.

А россійске войско заборонило имъ вступити до церквей... Было тогды на Украинѣ близко 10.000 парохіяльныхъ церквей, котръ належали до гр. каѳ. метрополита.

По конечномъ роздѣленю Польщі, Катерина II. всѣми можливими средствами старалася знести Унію. Иарь сеъ цѣли заосновали т. зв. Миссійное товариство, что мало переводиги гр. каѳоликовъ на схизму. Голова сего товариста **Викторъ Садковскій** мавъ 20,000 рубльовъ на „миссійнѣ“ цѣли рочно ижъ кассы державноѣ и уживати могъ только войска, сколько хотїть. Садковскій ходивъ изъ села на село и где лише дасколько людей найшовъ, котръ изъ страху перейшли на схизму, заравъ набравъ церковь и посадивъ батюшку. Потомъ выдала Катерина розказъ, что всѣ церкви, якъ были заоснованѣ колись давно схизматиками, треба имъ вернути. Года 1796 знесла Катерина гр. каѳ. метрополію и всѣ гр. каѳ. епископства, окремъ полоцкого. Катерина умѣла такъ успѣшно ширити „православіе“, что злѣє часовъ утратила Христова Церковь на Руси 8 миліоновъ вѣрниковъ въ 9316 парохіяхъ и 145 монастырей.

Подъ слѣдуючими царями (Павла I. и Александра I.) гр. каѳолики спокойно жили, навѣть привернено было имъ епископство въ Луцьку и Берестю и подано полоцкому епископу (потомъ луцькому) титулъ: „митрополитъ уніятскоѣ Церкви въ Россіи“.

Послѣдний и смертоносный ударъ достала гр. каѳ. Церковь одъ царя Николая I. (1825 - 1855). Онъ знесъ митрополію и поставивъ въ Петербурзѣ р. 1828 „греко уніятску церковну коллегію“ и зробивъ єй зависимою одъ министерста просвѣты, потомъ злучивъ єй зъ „православнымъ синодомъ“. Изъ епископствъ залишивъ два и то литовске и бѣлоруское, года же 1832 розвязавъ чинъ св. Василія. Коли противъ сего священики протестовали запирають ихъ въ монастырь, або пославъ до Сибіріѣ.

НОВОСТИ

Радуйтесь схизматики. Якъ извѣстно, россійскѣ схизматики погодилися зъ комунистами и изъ сеъ нагоды Сергій московскій патріярхъ выдавъ одозу до схизматиковъ, въ которой пише, что „ихъ (комунистовъ) радость е нашою радостію (т. е. духовенства) и ихъ печали нашими печалями“. Теперь правительство принесло опись конференцій, что держали священики апостаты (такъ, котръ залишили священство); было тамъ 14 батюшковъ, 4 діяконовъ и одень адвентійскій проповѣдникъ. Они рѣшили, что не доста бывъ оставити священство и вѣру, але треба и активну борьбу начати противъ вѣры и духовенства. Изъ сеъ нагоды большевицкѣ газеты выявили свою велику радость. А христіяне взывали Сергія патріярха такожъ до радости. „Радуйтесь Ваше Високопреосвященство! Тадь вы обѣцяли радоватися“!

Евхаристичный конгресъ сего року въ Австралії бывъ поддержаный въ городѣ Sidney. Франкомурары всяkimъ способомъ хотѣли

спинити обходъ, але староста города выступивъ противъ нихъ енергично. Присутныхъ было выше 50,000 людей, котрымъ бесѣдники на 15-окъ языкахъ держали проповѣди на тему „Евхаристія и Пр. Дѣва Марія“.

Въ справѣ школництва задала ческословенска католицка акція до ми-нистра Годжы меморіяль зъ слѣдуючими требованіями: приверненя усуненыхъ крестовъ въ школѣ, приверненя науки релігії въ всѣхъ школахъ и такожъ молитвы передъ и по науцѣ, заведення обвязковоѣ участіи молодеживъ Богослуженіяхъ. Учителямъ и професорамъ має быти строго заборонено агитація противъ Церкви и вѣры.

— Въ Польщі минулого року народилося 953,000 дѣтей; умерло 524,000 особъ, и такъ приростъ обоватства 429,000. Изъ сего огляду Польща на першомъ мѣстѣ стоить въ Европѣ. — Въ Парижѣ 27-го септ. всѣ культурнѣ державы свѣта подписали контрактъ противъ войны, что проектировавъ секр. мин. загр. справѣ Келлог. — Въ Индії перейшло на катол. вѣру племя Сантабовъ, что числить 50,000 душъ. — Въ Баварії правительство заказало всякѣ спортивѣ забавы въ недѣлю передъ полуднемъ, чтобы народъ могъ участвова въ Богослуженіяхъ. Подобное розпоряженіе былобъ дуже потребное и у насъ.

Наверненя батюшки Сидора. Дня 25. септ. появився передъ Преосв. Владыкою Сидоръ Павель батюшка изъ Крайникова и заявивъ, что хоче оставити схизматицку вѣру и навернутисѧ въ лоно Христовоѣ Церкви. Разомъ заявивъ, что схизма на Подк. Руси есть лише дѣломъ политики и релігійный большевизмъ, прочто ему совѣсть не допустила дальше зостати меже ними. Преосв. Владыка принялъ его знова въ Церковь и заразъ назначивъ до Свалявы за пѣвца церковного. Наверненя Сидора має потрясти и вытврзити тыхъ схизматиковъ, котрѣ еще все вѣрять въ схизму и слухаютъ проповѣдей неграмотныхъ батюшковъ!

Храмъ Церкви въ Колочавѣ. На праздникъ: Рождество св. Іоанна Кр. одбывся храмовий праздникъ въ Колочавѣ-Лазахъ. Народа было о. 2.500, кому богослуженя кончили и голосили проповѣди (5) оо. монахи Василіяне (о. Н. Сабовъ и Т. Скиба). Того дня складали свої жертвы вѣрники на украшеня церкви въ сумѣ 5.350 кч. (переже уже жертвовали 38.000 кч.). Найбльше даровали: Банга Иванъ 1.500 кч. По 300 кч. даровали Игнашинъ Гафа и Лугошъ Иванъ; по 200: о. М. Дзуроўчикъ (изъ Синевѣра), Ст. Товтъ (Воловое) Мацюла Петро; многъ по 150 кч. и 39 про по 50 кч. Най Господъ Богъ имъ заплатить сторицею и повѣкуть на многая и благая лѣта, въедно зъ своимъ ревнымъ душпастыремъ о. Кидалемъ.

ПЕРЕПИСКИ РЕДАКЦІѢ. Уличъ Крива, Горѣнчово, Пашковцѣ. Въ слѣдуючомъ числѣ, бо поздно прийшли.

За благословенiemъ Епархіальною Правительства Мукачевскою.

Выдавництво Чина св. Василія Великого въ Ужгородъ

поручає слѣдуючѣ книжки своєго изданія:

„Слово про св. Церковь Христову“. Брошурка, сторонъ 20.

Содеряніе: 1. Колько есть Церквей Христовыхъ, 2. Котра есть правдива Христова Церковь? 3. Почему упознати, ци належить дакто до правдивоѣ Церкви Христової. — Опроверженіе закидовъ противниковъ.

Цѣна одного примѣрника 1 Кч вже зъ поштою.

Роздумай то добре. На руській языку переклавъ о. В. Желтай. Издание I. Содержить науки о цѣли человѣка, о грѣсѣ, о смерти, о судѣ, о пеклѣ, о чистилищи, о небѣ и о сповѣди. Стор. 160.

Брошуронастоитъ 5 Кч, съ почтовою засылкою 5 Кч 60 гел.

Образцъ (печатанъ одною краскою): Пресв. Сердце Іисуса, Іисусъ добрый Гастырь, Положеніе до гробу Іисуса Христа, Іисусъ несе крестъ, Распятіе І. Хр., Тайна Вечера, Матерь Божая Непорочно зачата, св. Ангель Хоронитель, св. Іосифъ, св. Василій, св. Іосафать, св. Кириль и Меѳодій, св. Анна, св. Агнета, св. Іоаннъ на персехъ Іисуса Христа. (Образцъ безъ молитовъ на оборотѣ). 100 дарабовъ стоять 6 Кч, съ поштою 6·50 Кч.

ОУМОЛЕНІЕ къ Пресвятой Евхаристї (супликація съ нотами).

Стоитъ 50 гел., зъ почтовою засылкою 70 гел.

Образець Матери Божої Мукачевскої съ пѣснею на обратѣ.

Цѣна одного примѣрника 40 гел.

Отпустовъ молитвы. Сеся книжочка содержитъ: Короткое поученіе о отпустахъ и дасколько молитовъ надѣленыхъ отпустами.

Стор. 16. — Цѣна 50 гел., а съ почтовою засылкою 70 гел.

Крестна дорога. 14. корот. розважань о страстяхъ Христовыхъ. Цѣна 1. Кч. зъ поч. 1·20. Кч.

Рожанецъ до св. Рань або до милосердія Іисуса Христа. Цѣна 40 зъ поч. 60 г. Противалькоголичнѣ брошурки: 1. „Пяницямъ на закуску“, 2. „Погарчикъ для тверезыхъ“, 3. „На здоровля“. Цѣна 3 брошуръ 1·20 Кч, зъ почт. 1·60 Кч.

„Гриць Заливайко“. Ся книжечка написана стихомъ и описує животъ пяницѣ одъ рождества ажъ до смерти. Книжочка прикрашена 19 образками нашого славного подкарпаторуського маляря проф. О. Бокшая. Стоитъ зъ поштою Кч. 1·40.

Маєме такожъ на складѣ Книги до запиcування інтенцій Службъ Божихъ. (200 стор. оправленыхъ) по 25 Кч за примѣрникъ зъ поштою 28 Кч,

Засылається лемъ за готовъ грошѣ або за послѣплатою (dobirka)

Листы и грошѣ треба засылати на адресу:

Выдавництво Чина св. Василія Великого, Ужгородъ,

Rakovci улица число 54.

Листы изъ заграницы треба адресовать такъ:

Vydavniictvo Čuna sv. Vasiliya Velikoho, Užhorod,

Rakovciho ulica č. 54. Podkarp. Rus. ČSR. — Evropa.

Выда́вицтво Чина св. Василія Великого въ Ужгородѣ

поручае слѣдуючѣ книжки:

Полный Требникъ (печатаный въ Жовквѣ). Обнимаетъ 899 стор.

Находятся въ немъ всѣ четыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червонный. Форматъ дуже догодный. Ясный переглядъ, буквы читкѣ, выразнѣ. Оправлений въ полотно 130 Кч, въ кожу 150 Кч, почтовое (поруч.) 5 Кч.

Служба Священническая Свѣтлая Годица Гисбокъ сторонъ 20.

Брошюрована стоитъ 13 Кч, съ почтовою засылкою 13 Кч 60 г.

Утреня й Еечерна ч. I. Содержаніе: Служба всѣхъ праздниковъ подвижныхъ: Служба Октоиха въ недѣлю; Служба обща Святыхъ; Евангелія воскресніи и Стихиры Евангельски; Пѣснь умилильна; Пасхалія и Мѣсяцословъ. — Книжка переплетена въ полотно.

Стоитъ 50 Кч, въ лѣпной оправѣ 60 Кч, зъ почтою 64 Кч.

Утреня й Еечерна ч. II. Содержаніе: Служба всѣхъ праздниковъ неподвижныхъ съ Пред- и Попразднествами въ недѣлю; Служба Октоиха въ недѣлю; Евангелія воскр., и Стихиры Еванг. Пѣснь умилильна; Пасхалія и Мѣсяцословъ. Книжка переплетена въ полотно.

Стоитъ 60 Кч, въ лѣпной оправѣ 70 Кч, зъ почтою 74 Кч.

Чинъ Тайны Крещенія й Миропомазанія. Цѣна 5, зъ почт. 5·60 Кч.

Чинъ Тайны Свѣржества. Стоитъ 5 Кч, зъ почт. засыл. 5·60 Кч.

Чинъ Тайны Елеопомазанія. Стоитъ 5 Кч, зъ почтою 5·40 Кч.

Чинъ Пастаса й погребенія мірскихъ человѣкъ. Ц. 10 зъ п. 10·80 Кч.

„Часослобъ“ (Ерейский молитвословъ) перепл. въ полотно 50 Кч,

перепл. въ кожу съ золоч. обрѣзомъ 80 Кч, почтовое (поруч.) 5 Кч.

Псалтирь (безъ величаній). Ст. 296. въ полотн. оправѣ. Ц. 22, зъ почт. 23 Кч.

„Акадистникъ“. Стоитъ 27 Кч, зъ почтою Кч. 28·30.

У Стіп Учителя мѣстить 204 читань для священниковъ, стор. 380.

Стоитъ 20 Кч, съ почтовою засылкою 21 Кч 20 г.

Кровава Незабудька або Хрестна дорога Спасителя мѣстить читаня и молитви о Страстяхъ Христовыхъ. Стоитъ 6·50 Кч, зъ почтою 7·30 Кч.

Церковні Пісни (зъ нотами), мѣстить 301 пѣсень. Ц. 22 зъ почт. 23·20 Кч.

Катехизмъ Шнираго ч. I., II. и III. Въ I. части широко выложена наука св. каѳ. вѣры, въ II. говориться про науку обычавъ, а въ III. выложена наука про Средства ласки. Книжки брошюрованѣ, кожда окремо. Цѣна ихъ така:

Ч. I. и II. стоять по 25 Кч, съ почт. по 28 Кч. Ч. III. 22 Кч, съ почт. 24·50 Кч.

Хвалите Господа. Молитвеничокъ для интелигенції, печатаный фонетикою на 2 фарбы, маленького формату 6×10. Цѣна 13, зъ почт. 13·50 Кч.

Коляди (зъ нотами). Содержить 80 колядъ. Цѣна 14, зъ почт. 14·80 Кч.

Коляди (безъ нотъ). Содержить 52 колядъ. Цѣна 3·60, зъ почт. 4 Кч.

Через мечі до житя. Повѣсть. Цѣна 15.— Кч, зъ почтою 16·20 Кч.

Проповіди на Великій пост. Цѣна 6.— Кч, зъ почтою 6·50 Кч.

Біблія Старого Завіта ч. I. и II. (двѣ книжки). Цѣна одновѣ книжки 20 Кч, зъ почтою 23 Кч.

Божествений Спаситель. Нарисъ житя Іисуса Христа въ народ. мовѣ.

Цѣна 25 Кч, зъ почтою 28 Кч.

Житя св. свящмч. Іосафата архіеп. Полоцкого. (309 сторонъ)

Стоитъ 10.— Кч, зъ почтовою засылкою 10·80 Кч.

Брошурка „У стіп Учителя“ и все інші, оддалекъ одъ бойслужебныхъ книжъ линейкою, печатанъ въ галицкомъ языць (фонешикою). 